

## **Raadiukkut tv-kkullu aallakaatitsisarneq pillugu inatsisartut inatsisissaannut siunnersuut**

### **Akissuteqaat**

(Ilinniartitaanermut, Ilageeqarnermut, Kultureqarnermut, Naligiissitaanermullu Naalakkersuisoq)

### **Aappassaaneerineq**

Aallaqqaasiullugu Inatsisartut Kultureqarnermut, Ilinniartitaanermut Ilisimatusarnermut Ilageeqarnermullu Ataatsimiititaliaata siunnersuummik peqqissaartumik suliaqarneranut aappassaaneerinninnermullu isumaliutissiissummik saqqummiussaqaqarnera pillugu Naalakkersuisut qutsavigaat.

Ataatsimiititaliap ilaatigut Ilinniartitaanermut, Ilageeqarnermut, Kultureqarnermut, Naligiissitaanermullu Naalakkersuisumik isumasioqateqarluni inatsisissatut siunnersuummik oqaloqatiginnissuteqarnerata kingorna isumaliutissiissut saqqummiunneqarpoq. Isumasioqatigiinnermut atatillugu siulersuisunut ilaasortanut, Naalakkersuisup inassuteqaatitaqanngitsumik toqqagassaanut atassuteqartillugu piginnaasanut ilisarnaatit pillugit aamma ilaatigut oqaloqatigiinnernut ilaatinneqarput.

Ataatsimiititaliaq isumaqatigiissoq isumaliutissiissumini isummerpoq, Atuisut Siunnersuisoqatigiivinit inassuteqarsinnaatitaaneq aamma KNR-ip siulersuisuisa inuttalersorneqarneranut tunngatillugu pingajussaanneerreqartinnagu allannguutissatut siunnersuummik Naalakkersuisut saqqummiussaqaassat. Allannguutissatut siunnersuutip KNR-ip siulersuisuinik tallimanik ilaasortalimmit aqunneqarnissaa qularnaassavaa, taakkunannga siulersuisut siulittaasuut aammalu ilaasortaq ataaseq Naalakkersuisunit toqqarneqassapput, peqatigitillugu KNR-imi aalajangersimasumik atorfillit inassuteqareernerisigut ilaasortaq ataaseq Naalakkersuisunit toqqarneqassaaq. Taassuma saniatigut Ilisimatusarfiup, inassuteqareerneratigut ilaasortat sisamaat Naalakkersuisut toqqassavaat, taamatut EPI-p inassuteqareerneratigut ilaasortaq kingulleq Naalakkersuisunit toqqarneqassaaq.

Peqatigitillugu Ataatsimiititaliap isumaliutissiissutaani takuneqarsinnaavoq, Atuisut Siunnersuisoqatigiivinit tunngatillugu Utoqqaat Peqatigiiffiata kiisalu KANUNUPE-p inassuteqarsinnaatitaanerit allannguutissatut siunnersuutip qularnaassagaa.

Kiisalu Ataatsimititaliap inassuteqaatai naapertorlugit siunnersuummut allannguutissaq Naalakkersuisunit saqqummiunneqarpat, siunnersuut taama isikkoqarnermisut akuerineqassasoq Ataatsimiititaliap inassutigaa.

Ataatsimiititaliap isumaliutissiissutaata misissuataarluareerneratigut, matumani ilanngullugit annermik Ataatsimiititaliap tunngavilersuutitut saqqummiussai, Ataatsimiititaliap inassuteqaatai naapertorlugit siunnersuutip aappassaaneerpeqarneranut allannguutissatut siunnersuummik saqqummiussiniarlutik Naalakkersuisut aalajangerput.

Taamatut oqaaseqarlutik, allannguutissatut siunnersuutigineqartoq allannguutissanik tamakkuninnga imaqarluni pingajussaaneerinermi aalajangiivinnissamut siunnersuut ingerlaqqissasoq Naalakkersuisut inassutigaat.